



KOMUNIKADO PA PRENSA

Fecha

16 di òktober 2015

Accountmanager

Jhanirha Da Costa Gomez

Email

jhanirha.anita@gobiernu.cw

SERVISIO PA OBRA PÚBLIKO TA PIDI YUDANSA URGENTE DI KOMUNIDAT TA BUSKA APARATO IMPORTANTE KU A PÈRDÈ DURANTE TRABOUNAN

Willemstad – Servisio pa Obra Público (OW) ta pidi komunidat su yudansa urgente pa haña un aparato ku a pèrdè durante trabounan riba Santa Rosaweg. Ta trata di un **GPS Receiver** di marka **Trimble**, number di seri ta: 4749141822. OW ta usa e aparato aki pa hasi trabounan di midimentu.

Despues di a kaba di hasi trabounan riba Santa Rosaweg, na altura di e pòmp di gasolin nobo, dilanti di KFC/Subway, a laga e aparato riba dak di pikòp. E aparato lo a kai durante di kaminda.

E ruta ku e trahadónan tabata kore ta bayendo den direkshon di Emmastad i Kwartier. A kore riba e siguiente kayanan : Wayaca Straat, Aloestraat, Kaya Milon di Seru, Kaya Kasha, Seru Loraweg, Weg naar Santa Catharina, Cascoraweg, Schottegatweg Oost, Schottegatweg Noord, Beatrixlaan, Konninginnelaan i Prinsenlaan.

Pa OW ta di sumo importansia pa haña e aparato aki bek mirando su balor, pero mas importante ta ku mester sigui us'é pa e trabounan riba Santa Rosaweg.

Kualke persona ku haña e aparato aki, lo no por hasi nada kuné mirando ku e no tin e otro asesorionan ku tin mester pa e por funshoná.

OW ta pidi kualke persona ku por a haña e mashin aki, sea asina bon di entrega esaki na OW na Parera òf yama 521-1500 òf 465-1477 pa por laga un hende bin tum'é. OW ta konfia riba koperashon di komunidat den esaki i ta gradisí di antemano.